
1 Mbrojtja e të drejtave dhe diskriminimi

1.1 Mbrojtja e të drejtave

310. A është e mundur për një qytetar të huaj të mbrojtë me gjyq të drejtat e tij?

Po, në të njëjtën mënyrë si edhe qytetaret italianë. Po të jesh në pozitë të paligjshme, të veprësh me gjyq për tutelimin e të drejtave tua, nuk e pengon Shtetin të aplikojë largimin tënd nga territori i Shtetit, me përjashtim të rasteve të vecanta.

311. Në cilat organe mund të mbrojtë të drejtat e mia?

Në Gjykatat e sistemit italian nëpërmjet një avokati mbrojtës.

312. Si është i strukturuar sistemi gjyqësor italian?

Mund të ekzistojnë më shumë se një gjykates para të cilëve të mund të mbrosh të drejtat e tua: gjykatesi civil, penal dhe administrativ, kompetencat e të cilëve janë të përcaktuara nga ligjet e Shtetit italian.

313. Kush është gjykatësi i paqes?

Është një gjykatës nderi të cilit mund t'i drejtohesh për të zgjidhur mosmarrveshje të vogla administrative që nuk kapërcejnë një vlerë të caktuar (p.sh grindje midis banorëve të pallatit), vendos mbi mosmarrveshjet që lidhen me kodin rrugor, ka kompetenca penale të kufizuara dhe konfirmon vendimet e prefektit në fushën e dëbimit nga territori i shtetit dhe vendimet e shoqërimit në kufi ose të mbajtjes së detyruar në një qendër pritjeje të përkohshme, të nxjerra nga Kuestori.

314. Cilit gjykatës duhet t'i drejtohem për çështjet lidhur me titullin tim të qëndrimit?

Gjykatës administrative rajonale dhe po të jetë e nevojshme, mund të çosh në gjyqin e apelit vendimet e këtij gjyqtari në Këshillin e Shtetit që i ka zyrat në Romë. Gjykatës civile në fushën e unitetit familjar (psh. bashkimi familjar).

315. Sa kushton procesi gjyqësor?

Ekzistojnë kosto fikse që lidhen me tipin e mosmarrveshjes që diskutohet dhe që i shtohen kostos së mbrojtjes të parapërgatitur nga avokati yt. Në cdo rast shteti italian i garanton të gjithëve të drejtën për t'u mbrojtur të drejtat e veta, prandaj, në mungesë të mjeteve ekonomike të nevojshme, mund të përfitohet nga patronazhi falas, me shpenzimet e shtetit, me kushtet e vendosura nga ligjet shtetërore.

316. Nëse nuk mund të paguaj një avokat, mund të kem një avokat zyre?

Jo, Shteti të garanton mundësinë për t'u përfaqësuar nga një avokat i besuar i zgjedhur nga ti vetë, duke përfituar nga patronazhi falas me shpenzimet e shtetit, nëse je present në mënyrë të rregullt dhe nuk i kalon kufijtë e të ardhurave të parashikuara nga ligji; është e nevojshme që të ardhurat vjetore që rezultojnë nga deklarimi i fundit të ardhurave, të mos jetë më shumë se 10.766,33 € (korrik 2012).

317. Me kanë denoncuar dhe nuk njoh një avokat: çfarë mund të bëj?

Në këtë rast mund të caktohet një avokat zyre, i zgjedhur nga një listë e posacme. Po të kalosh kufijtë e të ardhurave dhe nuk mund të përfitosh nga patronazhi falas, duhet të bësh pagesën e duhur në bazë të tarifave të parashikuara.

318. Cfarë ndodh nëse nuk arrij të kuptoj vendimet gjyqësore?

Ke të drejtë të caktosh një përkthyes që të përkthejë vendimet gjyqësore në gjuhën time. Kostoja e përkthyesit mund të vihet në ngarkim të shtetit nëse gjendja ime ekonomike më lejon të përfitoj nga patronazhi falas, me shpenzimet e Shtetit italian.

1.2 Diskriminimi

319. Kam dëgjuar që ekziston një ligj që të mbrohet nga diskriminimi. Po çfarë nënkuptohet me saktë në ligj me akt diskriminimi?

Përbën diskriminim çdo sjellje që direkt ose indirekt, sjell një dallim, përjashtim, kufizim ose preferencë bazuar në razën, ngjyrën, prejardhjen ose origjinën kombëtare ose etnike, bindjet ose praktikën fetare dhe që ka si qëllim ose efekt të shkatërrojë ose të kompromentojë njohjen, gëzimin apo ushtrimin, në kushte të barabarta të të drejtave njerëzore dhe të lirive themelore në fushën politike, ekonomike, sociale e kulture dhe në çdo sektor tjetër të jetës shoqërore.

320. Si mund të mbrohem përballë akteve diskriminuese të kryera nga një privat ose nga Administrata Publike?

Mund t'i drejtohesh gjykatës civile, nëpërmjet një avokati, duke kërkuar që gjykatësi të urdhërojë ndalimin e sjelljes me paragjykim dhe të adoptojë çdo vendim tjetër të përshtatshëm, sipas rrethanave, për të eliminuar efektet e diskriminimit.

321. Jam viktimë e diskriminimit por kam frikë të denoncoj. Çfarë mund të bëj?

Shoqatat e regjistruara në një regjister të posaçëm pranë Dipartimentit të Shanceve të Barabarta, nën Presidencën e Këshillit të Ministrave, janë të lejuara me ligj të veprojnë me gjyq në emër, për llogari ose në mbështetje të subjektit pasiv të diskriminimit, të bazuar në motive rraziale ose etnike.

322. Jam viktimë e diskriminimit në punë. Cfarë mund të bëj?

Organizatrat sindakale mund të veprojnë juridikisht për të mbrojtur viktimat e diskriminimit kur punëdhënësi kryen një diskriminim.